



JAVNO PREDUZEĆE
“BOSANSKO-PODRINJSKE ŠUME“
d.o.o. Goražde

ul.Ibrahima Popovića br.17. 73000 Goražde

Broj: 10-1604/21

Datum: 10.12.2021.godine

Na osnovu člana 25. Statuta J.P. „Bosansko-podrinjske šume“ d.o.o. Goražde („Službene novine BPK Goražde“, broj 12/18) , člana 53. Zakona o javnim nabavkama („Službeni glasnik BiH“, broj: 39/14), Odluke broj: 10-1603/21 od 10.12.2021.godine, Ugovorni organ donosi

**ODLUKU
O IZMJENI I DOPUNI TENDERSKE DOKUMENTACIJE
BROJ OBAVJEŠTENJA: 18-1-3-21-3-8/21**

I

Ovom Odlukom mijenja se i dopunjava Tenderska dokumentacija po pokrenutom postupku javne nabavke radova na sanaciji i rekonstrukciji putnih komunikacija u odjelima za iskorištavanje u skladu sa Godišnjim planom gospodarenja u 2022. godini za potrebe J.P. „Bosansko-podrinjske šume“ d.o.o. Goražde putem otvorenog postupka, čije je obavještenje objavljeno na web portalu e-nabavke dana 02.12.2021.godine, broj obavještenja: 18-1-3-21-3-8/21, pokrenutog Odlukom, broj: 10-1564/21 od 02.12.2021.godine.

Izmjene i dopune u Tenderskoj dokumentaciji se odnose na slijedeće:

1. Mijenja se Tačka 11.3. i glasi:

U cilju dokazivanja ekonomske i finansijske stabilnosti i sposobnosti (član 47. zakona), ponuđač je dužan dostaviti popunjenu i ovjerenu izjavu (čl.47.zakona) koja je sastavni dio tenderske dokumentacije.

Kao prilog uz izjavu obavezno se dostavljaju sljedeći dokumenti na osnovu kojih će se izvršiti ocjena ekonomske i finansijske sposobnosti ponuđača:

- a) Odgovarajuća potvrda poslovne banke o aktivnosti transakcijskog računa.

Izjava ne smije biti starija od 7 dana od dana predaje ponude.

Izjava iz čl.47.zakona mora biti potpisana i ovjerena od strane ponuđača.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ugovorni organ, će isključiti ponuđače kao nekvalifikovane koji propuste da dostave naprijed navedeni dokaz ili dostave pogrešne informacije, po bilo kojoj naprijed navedenoj tački.

U slučaju ozbiljne sumnje u pogledu autentičnosti ili čitljivosti kopije, ugovorni organ može zahtijevati da se dostave dokumenti u originalu.

Ugovorni organ može u pisanoj formi tražiti od dobavljača da pojasni dokumente koje je dostavio, s tim da ne mijenja suštinu svoje ponude, i to u roku koji odredi ugovorni organ.



Tel:+387 38 221 040;Fax +387 38 222 176

E-mail: bpkshume@bih.net.ba

Web : www.sumebpk.com



Oznaka odgovornog
šumarstva
FSC® C151475



JAVNO PREDUZEĆE
“BOSANSKO-PODRINJSKE ŠUME”
d.o.o. Goražde

ul.Ibrahima Popovića br.17. 73000 Goražde

Dokazi koje je dužan dostaviti izabrani ponuđač moraju potvrđivati da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova izabrani ponuđač je dužan dostaviti u roku od **5 dana** od dana zaprimanja obavještenja o rezultatima ovog postupka javne nabavke u originalu ili ovjerenj kopiji. **Dokazi koje dostavlja izabrani ponuđač, da bi bili validni, ne mogu biti stariji od tri mjeseca, računajući od momenta predaje ponude.** Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 47. Zakona.

2. Mijenja se Tačka 12. i glasi:

Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

Ponuda mora sadržavati najmanje:

- Ime i sjedište ponuđača, a za grupu ponuđača podatke o svakom članu grupe ponuđača, kao i jasno određenje člana grupe koji je ovlaštenu predstavnik grupe ponuđača za učešće u postupku javne nabavke, za komunikaciju i za zaključivanje ugovora;
- Aktuelni izvod iz sudskog registra (za pravna lica) odnosno rješenje organa uprave (za fizička lica) kao dokaz da je ponuđač registrovan za obavljanje prodaje predmetnih roba (original ili ovjerena kopija - Ukoliko se dostavlja ovjerena kopija ista mora biti ovjerena kod notara ili općinskog organa uprave);
- Uvjerenje o poreskoj registraciji sa identifikacionim brojem (izdato od nadležne poreske uprave u Bosni i Hercegovini) original ili ovjerena kopija - Ukoliko se dostavlja ovjerena kopija ista mora biti ovjerena kod notara ili općinskog organa uprave;
- Uvjerenje o registraciji obveznika poreza na dodanu vrijednost sa identifikacionim brojem (izdato od Uprave za indirektno-neizravno oporezivanje Bosne i Hercegovine) ukoliko je ponuđač PDV obveznik (original ili ovjerena kopija - Ukoliko se dostavlja ovjerena kopija ista mora biti ovjerena kod notara ili općinskog organa uprave);
- Odgovarajuća potvrda poslovne banke o aktivnosti transakcijskog računa (original ili ovjerena kopija - Ukoliko se dostavlja ovjerena kopija ista mora biti ovjerena kod notara ili općinskog organa uprave);
- Uspješno iskustvo u realizaciji najmanje jednog ugovora čija su karakter i kompleksnost isti ili slični onima koji se odnose na predloženi ugovor, u prethodne 3/tri/ godine (Dokazuje se Potvrdom o uredno izvršenim ugovorima od strane Ugovornih organa koja mora sadržavati sljedeće podatke: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora; navode o uredno izvršenim ugovorima);
- Izjava o angažovanom tehničkom osoblju, bez obzira na to da li su neposredno zaposleni kod dobavljača, odnosno obrazovne i profesionalne kvalifikacije dobavljača i/ili administrativnog osoblja i posebno, onih osoba koje su odgovorne za izvođenje radova koji su predmet ove nabavke - dokazuje se Izjavom potpisanom i ovjerenom od strane ponuđača,
- Izjava dobavljača o prosječnom godišnjem broju zaposlenih i o broju rukovodnog kadra u posljednje 3 (tri) godine uz Uvjerenje o činjenicama iz službene evidencije (Lista osiguranih lica za obveznika) izdatog od nadležnog organa, original ili ovjerena kopija - Ukoliko se dostavlja ovjerena kopija ista mora biti ovjerena kod notara ili općinskog organa uprave;
- Obrazac za ponudu - Popunjen, potpisan i ovjeren nacrt Ugovora od strane ponuđača;
- Izjava ponuđača – popunjena i ovjerena od strane ponuđača;



Tel:+387 38 221 040;Fax +387 38 222 176
E-mail: bpkshume@bih.net.ba
Web : www.sumebpk.com



Oznaka odgovornog
šumarstva
FSC® C151475



JAVNO PREDUZEĆE
“BOSANSKO-PODRINJSKE ŠUME“
d.o.o. Goražde

ul. Ibrahima Popovića br.17. 73000 Goražde

- k) obrazac za cijenu ponude – popunjen i ovjeren od strane ponuđača;
- l) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – popunjena prema obrascu iz priloga ove tenderske dokumentacije;
- m) Izjava o ispunjenosti uslova iz člana 47. stav (1) tačaka od a) do d) Zakona o javnim nabavkama – popunjena prema obrascu iz priloga ove tenderske dokumentacije;
- n) Izjava o ispunjenosti uslova iz člana 51. tač. c), d), i f) (Tehnička i profesionalna sposobnost u postupku nabavke radova) Zakona o javnim nabavkama - popunjena prema obrascu iz priloga ove tenderske dokumentacije;
- o) Tehnička sredstva kojima raspolaže izvođač, a to su: Dozer min. Snage 120 kW– kom 2, (dokazuje se Izjavom ponuđača uz prilaganje upotrebni i saobraćajni dozvola, računa, carinskih deklaracija, fotografija radnih mašina, Ugovora o najmu ili drugih dokaza da ponuđač ima na raspolaganju tražena tehnička sredstva);
- p) Pismena izjava ponuđača iz člana 52. Zakona o javnim nabavkama-popunjena prema obrascu iz priloga ove tenderske dokumentacije;
- q) Navode o namjeravanim podugovaranjima i obimu podugovaranja (Izjava potpisana i ovjerena od strane ponuđača – Prilog II tenderske dokumentacije);
- r) obrazac izjave o prihvatanju općih i posebnih uslova tenderske dokumentacije (Popunjen, potpisan i ovjeren od strane ponuđača);
- s) Ovlaštenje za zastupanje i učešće na javnom otvaranju ponuda;
- t) Popunjen, potpisan i ovjeren nacrt Ugovora od strane ponuđača nacrt Ugovora;
- u) Sadržaj ponude.

3. Mijenja se Prilog 5 - Izjava o ispunjenosti uslova iz člana 47.st 1 tač. od a) do d) i (4) ZJN, i glasi:

Izjava o ispunjenosti uslova iz člana 47. St. (1) tač. od a) do d) i (4) Zakona o javnim nabavkama („Službeni glasnik BiH“, broj 39/14)

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad / općina), na adresi _____ (ulica i broj), kao kandidat / ponuđač u postupku javne nabavke _____ (navesti tačan naziv i vrstu postupka javne nabavke), a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: _____ u „Službenom glasniku BiH“, broj _____, a u skladu sa članom 47. St. (1) i (4) pod punom materijalnom i kaznenom odgovornošću

IZJAVLJUJEM

Dokumenti čije obične kopije dostavlja kandidat / ponuđač _____ u navedenom postupku javne nabavke, a kojima se dokazuje ekonomska i finansijska sposobnost iz člana 47. Stav (1) tač. Od a) do d) su identični s originalima.



Tel: +387 38 221 040; Fax +387 38 222 176
E-mail: bpkshume@bih.net.ba
Web : www.sumebpk.com



Oznaka odgovornog
šumarstva
FSC® C151475



JAVNO PREDUZEĆE
“BOSANSKO-PODRINJSKE ŠUME“
d.o.o. Goražde

ul.Ibrahima Popovića br.17. 73000 Goražde

U navedenom smislu sam upoznat sa obavezom kandidata / ponuđača da u slučaju dodjele ugovora dostavi dokumente iz člana 47. Stav (1) tačke od a) do d) na zahtjev ugovornog organa i u roku kojeg odredi ugovorni organ shodno članu 72. Stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno kaznenim zakonima u BiH, te da davanje netačnih podataka u dokumentima kojima se dokazuje ekonomska i finansijska sposobnost iz člana 47. Zakona o javnim nabavkama predstavlja prekršaj za koji su predviđene novčane kazne od 1.000 KM do 10.000 KM za ponuđača (pravno lice) i od 200 KM do 2.000 KM za odgovorno lice ponuđača.

Izjavu dao:

Mjesto i datum davanja izjave:

Potpis i pečat ponuđača/kandidata:

M.P.

4. Mijenja se Prilog 6 - Izjava o ispunjenosti uslova iz člana 51. tač. c), d) i f) ZJN, i glasi:

Izjava o ispunjenosti uslova iz člana 51. tač. c), d) i f) (Tehnička i profesionalna sposobnost u postupku nabavke radova) Zakona o javnim nabavkama („Službeni glasnik BiH“, broj 39/14)

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad / općina), na adresi _____ (ulica i broj), kao kandidat / ponuđač u postupku javne nabavke _____ (navesti tačan naziv i vrstu postupka javne nabavke), a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj : _____ u „Službenom glasniku BiH“, broj _____, a u skladu sa članom 51. tačke c), d) i f) pod **punom materijalnom i kaznenom odgovornošću dajem sljedeću izjavu/le:**

- c) angažiranom tehničkom osoblju ili tehničkim organima, naročito onom osoblju koje je angažirano na poslovima nadzora i kontrole kvalitete, a za koje se ne može zahtijevati da su zaposleni kod kandidata / ponuđača;
- d) izvođača radova o prosječnom godišnjem broju zaposlenih i broju rukovodećeg osoblja u posljednje tri godine;
- f) kandidata / ponuđača da prihvata preduzimanje mjera upravljanja zaštitom okoline i mjera energetske efikasnosti koje će privredni subjekt primjenjivati prilikom izvođenja radova.



Tel:+387 38 221 040;Fax +387 38 222 176
E-mail: bpkshume@bih.net.ba
Web : www.sumebpk.com



Oznaka odgovornog
šumarstva
FSC® C151475



JAVNO PREDUZEĆE
"BOSANSKO-PODRINJSKE ŠUME"
d.o.o. Goražde

ul.Ibrahima Popovića br.17. 73000 Goražde

(Zaokružiti tačke koje su definisane kao zahtjevi u tenderskoj dokumentaciji, jednu ili više)
Navedi precizne podatke vezane za zahtjeve iz tenderske dokumentacije:

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno kaznenim zakonima u BiH, te da davanje netačnih podataka u dokumentima kojima se dokazuje tehnička i profesionalna sposobnost iz čl. 48. do 51. Zakona o javnim nabavkama predstavlja prekršaj za koji su predviđene novčane kazne od 1.000 KM do 10.000 KM za ponuđača (pravno lice) i od 200 KM do 2.000 KM za odgovorno lice ponuđača.

Izjavu dao:

Mjesto i datum davanja izjave:

Potpis i pečat ponuđača/kandidata:

M.P.

II

Izmjene i dopune koje su navedene u ovoj Odluci biće objavljenje na web portalu e-nabavke, danom donošenja Odluke o izmjenama i dopunama.

Obavijest o izmjeni i dopuni Tenderske dokumentacije objavit će se na web stranici <http://sumebpk.com/v1/> istovremeno sa upućivanjem obavijesti ponuđačima, u skladu sa članom 71. Stav 1. Zakona o javnim nabavkama.

III

Odluka stupa na snagu danom donošenja.

DIREKTOR

Mirza Pjano, dipl.ing.šum.s.r.

Dostavljeno:

1. Sektor za pravne i ekonomske poslove
2. a/a



Tel:+387 38 221 040;Fax +387 38 222 176
E-mail: bpkshume@bih.net.ba
Web : www.sumebpk.com



Oznaka odgovornog
šumarstva
FSC® C151475